

Vuk'uzenzele



Produced by: Government Communication & Information System (GCIS)

English/Sesotho


Phuptjane 2021 Kgatiso 2



Dreams come true for Tafelkop community
Page 4



STAY SAFE
VACCINATE TO SAVE SOUTH AFRICA
TOGETHER WE CAN BEAT THE CORONAVIRUS



Solar power energises Stellenbosch's bright minds
Page 8

Alert Level 2 to spare lives and health facilities



South Africa has been placed on Adjusted Alert Level 2, as government introduces measures to delay the third wave of the virus.

Addressing the nation recently, President Cyril Ramaphosa said after several months of low transmission, the number of Coronavirus Disease (COVID-19) infections has risen sharply in several parts of the country over the past month.

“The provinces of Free State, Northern Cape, North West and Gauteng have reached the threshold of a third wave of infections.

“It may only be a matter of time before the country as a whole will have entered a third wave,” the President warned.

Health protocols

According to health experts, the rise in new infections is because of an increase in social gatherings where people are not observing health protocols.

These protocols include wearing masks, social distancing, ensuring adequate ventilation and limits on the number of people who attend gatherings.

Other sites of increased transmission are funerals and so-called ‘after tears’ parties, as

Cont. page 2



To read Vuk'uzenzele download the GOVAPP on:



Search for SA Government on Google playstore or appstore

CONTACT US



Vuk'uzenzele



@VukuzenzeleNews

Website: www.gcis.gov.za

Email: vukuzenzele@gcis.gov.za

www.vukuzenzele.gov.za

Tel: (+27) 12 473 0353

Tshedimosetso House:

1035 cnr Frances Baard and Festival streets, Hatfield, Pretoria, 0083

FREE COPY NOT FOR SALE



Afrika Borwa e ikemiseditse ho phethahatsa pono ya Molaotheo

Dilemong tse 60 tse fetileng, ka la 31 Motsheanong 1961, Afrika Borwa e ile ya fetoha rephaboliki ya kgethollo, ya kgaola dikamano tsa yona le Mmuso wa Brithani.

Empa le ha 'rephaboliki' e hlahoswa e le naha eo e laolang ke batho ba yona le bakgethwa ba bona, hone ho se jwalo Afrika Borwa.

Molaotheo wa rephaboliki ya kgethollo o ne o ena setlamo le Modimo, "ya ileng a jara baholoholo ba bona mmoho ho tswa mafatsheng a mangatangata a - ba fa lena lefatshe ho ba la bona".

E ne e le Molaotheo o ngotsweng le ho ngollwa ba morabe o monyane, mme o ne o sebedisa tumelo ho buella bohanyapetsi. O ne o totobatsa tsamaiso ya mmuso, o dumellang batho ba basweu feela ho kgona ho kgetha le ho eba baemedi ba setjhaba.

O ne o sa kenyeletsa Bili ya Ditokelo.

Boholo ba batho ba naha bo ne bo wela tlasa mongolong o tlase leqephele pheletsong ya diphumantsho tsa ona tse 121, mokgahlelong wa sehlooho sa 'Tsamaiso ya Ditaba tsa Batho-Batsho, jwalojwalo.'

Molaetseng o neng o haswa telebesheneng, Tona-kgolo HF Verwoerd o ile a re: "Re hloka ntshetsopele ya merabe ya rona ka tsela e itseng. Morerong ona ho totobetse hore re tlameha ho tswella ka ho buswa ke motho ya mosweu."

"Re thabetse haholo ho ba batho ba kopaneng," o ile a tsebisa lefatshe.

Empa nnete ke hore re ne re se batho ba kopaneng.

Re ne re le baahi ba naha eo ditokelo tsa motho, katleho ya hae le bophelo ba hae bo leng matsohong a motho wa morabe o mong.

Ka dilemo tse mashome a mabedi, Molao wa Molaotheo wa Rephaboliki ya Afrika Borwa wa 1961 e ne e le tshusumetso ya semolao ya mola wa kgateello ya batho ba kabang 90% wa setjhaba sa Afrika Borwa.

Sehopotso sena se sa thabiseng se nkile sebaka hona kgwedeng eo re ketekang sehopotso sa dilemo di 25 tsa phatlalatso ya Seboka sa Molaotheo sa Molaotheo wa rona o motjha wa demokrasi, o ileng wa ba bopaki ba tswalo e ntjha ya nnete ya naha e kopaneng.


Ha jwale re na le molao o le mong o laolang setjhaba se le seng.

Mmoho, re ikgethetse tsamaiso ya mmuso e fanang ka tlhaloso ya nnete ya mohopolo wa rephaboliki.

Re ile ra re ka hara rephaboliki ya rona ya demokrasi, bohle ba ya lekana ka pela molao mme ba na le tokelo ya tshireletso le ho una molemo molaong ka ho lekana.

Kajeno Afrika Borwa ke naha eo tsamaiso ya toka e tsetetsweng makgotleng a ikemetseng le tsa toka tse ikamahantshang le Molaotheo feela. Re phela naheng eo bohle ba nang le tokelo ya ho ya makgotleng ho ya phethahatsa ditokelo tsa bona.

Re phela naheng eo ditjhaba di ka kenyang kopo ya molao ho tseka mobu oo ba ileng ba tloswa ho ona ka



dikgoka, mme moo batho kapa malapa ba tshireletsweng kgahlano le ho lelekwa malapeng a bona.

Re phela nahaneng eo bohle ba dumeletsweng ho phethahatsa setso le meetlo ya bona ka bolokolohi. Ke naha eo mang kapa mang a ka ipiletsang ka bolokolohi ho tshehetsa matsholo a setjhaba, a dipolotiki kapa a mang kae kapa kae.

Motheo wa Molaotheo wa rona o thehilwe hodima mmuso o ikarabella, moo Komiti ya Phethahatso e ikarabellang komiting ya Palamente e leng kemedi ya batho.

Ke naha eo molao o akaretsang moahi ofe kapa ofe ka ho lekana. Ha jwale re se re ena le mmuso wa batho, o busang batho, o buswang ke batho.

Ha mmuso wa kgethollo o ne o bapatsa Molaotheo wa ona o nang le kgethollo ka sebete lefatsheng dilemong tse 60 tse fetileng, o ne o ena le tshepo e fosahetseng ya hore o tlo kgona ho

tshwarella.

Lengolong le ileng la se arabelwe ke Verwoerd kgwedi pele rephaboliki e phatlalatswa, Nelson Mandela o ile a tiisa tatolo ya mokgatlo wa tokoloho ya rephaboliki ya ba basweu e kentsweng pusong ka qobello.

O itse ha hona Molaotheo kapa karolo ya mmuso e phethahaditsweng ntle le ho nka karolo ha batho ba Mafrika o ka netefallwang ke boitshwaro ba nnete.

Ka nnete, ha ho mmuso o thehilweng ka tsamaiso e iphapanyetsang ditokelo tsa batho o ka bang wa mokoka.

Le ha feela ho nkile dilemo tse fetang mashome a mararo pele dikopo tsa mokgatlo wa tokoloho di phethahatswa, re ile ra qetella re hlotse tokoloho ya rona.

Ho theoleng Molaotheo wa kgethollo ho ya moqomong wa nalane, re itlamme ka Molaotheo o motjha le ditekanyetso tse nang le boleng tse ntjha.

Ha ke ne ke fana ka puo

ya Seboka sa Molaotheo dilemong tse 25 tse fetileng, ke ile ka re Molaotheo wa rona o tlameha ho ba hofeta mantsweng a leqhepeng; o tlameha ho fetolwa nnete maphelong a batho ba rona.

Ntle le ha re ka etsa jwalo, tokomane ena ya kgatelepele le phetoho e keke ya re tswela molemo mme e tlabe e sena le moelelo.

Re ile ra nka qeto ya hore re batla ho ba setjhaba se jwang kgale kwana. Re batla ho ba setjhaba se tsepameng hodima seriti sa botho, se nang le tekatekano, se nang le tokoloho le ho hloka kgethollo.

Re na le kotara ya dilemo tse lekgolo re sebetsa ka thata ho aha setjhaba se jwalo.

Re fihletse kgatelepele e ngata, empa re ntse re ena le diphepetso tse mmalwa mme ho ntse ho setse mosebetsi o mongata o hlokanang ho phethahatswa.

Ha re tshwaya keteko ya kamohelo ya Molaotheo wa demokrasi, ha re hopoleng hore re tswa hole jwang mmusong o neng o tsamaiswa ka kgethollo, bohanyapetsi, kamoho ya mobu le kgateello tsa nako e fetileng.

Ha re boeleng re hopole hore ho rona re tlameile ho phethahatsa pono e leng ka hara Molaotheo wa rona.

Ke feela ka ho netefatsa hore Mafrika Borwa ohle a kgona ho phethahatsa ditokelo tsa bona tsa Molaotheo ka bolokolohi le ho di sebedisa ka kotloloho, ho tla etsang hore re kgone ho ba ngatana e le nngwe ka nnete. **U**

Ditoro tsa setjhaba sa Tafelkop di ya phethahala

Sehlopha sa di-hwai tsa batho ba batsho se dulang Tafelkop, mane Groblersdal, Limpopo, ke beng ba dihektare tsa mobu tse 189 ba motlotlo, tseo esale ba ntse ba di lema ka dilemo tse fetang 25.

Dihwai tsena tse 30 di ile tsa fumantshwa *di-title deed* tsa mobu ke Mopresidente Cyril Ramaphosa ka mora hore Lefapha la Ditshebeletso tsa Setjhaba le Metheo le fetisetse mobu oo sepheong sa kabobotjha.

Boleng ba mobu oo bo feta R25.5 milione empa o fuwe dihwai mahala.

“Ka nnete lena ke letsatsi le leholo ho setjhaba sa Tafelkop, ho batho ba Limpopo, le Afrika Borwa ka kakaretso.

“Kajeno re paka ha toro ya setjhaba e phethahatswa.

Ke pono eo setjhaba sena se qetileng dilemo tse 25 tse fetileng se ntse se lwanela ho e bona e phethahala,” ho rialo Mopresidente moketeng wa phetisetso.

Ho tloha ka 1996 esale dihwai tsena di atleha ho hlahisa dihlahiswa tse fapaneng ho tswa mobung ona.

Dilemong tsa bo1990 ba ile ba ikgobokanya ho ingodisa jwalo ka dihwai tsa kgwebo ka tlasa flolaga ya Tafelkop Farmers Association mme ba kena dipuisanong le mmuso.

Ka 2000, Lefapha la Naha la Temothuo le ile la kena tumellanong ya khiriso le Tafelkop Farmers Association ho ya ka Kabobotjha ya Mobu ya Lenaneo la Ntshetsopele ya Temothuo.

Ka 2009, Lefapha la Temothuo la Limpopo la nako e fetileng le ile la kgothaletsa Lefapha la Ditshebeletso tsa Setjhaba hore le fetisetse mobu ho dihwai tsena. Mangolo a ho ba beng ba mobu a ile a ngodiswa ka mabitso a dihwai maqalong a selemo sena.

Ha jwale mobu o sebedisetswa ho lema kwae, le khothone le meroho le ditholwana.



Mopresidente Ramaphosa le dihwai tsa Tafelkop, Limpopo, tse ileng tsa fumantshwa mangolo a ho ba beng ba mobu oo di o lemang.

Malapa a 32 a iphedisa ka temo le bohwei mobung ona e leng se fanang ka mesebetsi e 128 ho basebetsi ba moshwelella le mesebetsi e 320 ho basebetsi ba nakwana.

Tokoloho ya setjhaba

Mopresidente o itse setjhaba se ile sa mamella tshotleho ka dilemo tse ngata mme “Mangolo a ho ba beng ba mobu a tlasa toka ho setjhaba se neng se amohuwe mobu”.

“Ha re so le bale kamoho, boshodu ba mobu le ho tloswa ka mahahapa ha batho ba setjhaba sena le ditjhaba tse ding tse ngatangata naheng ka bophara di ileng tsa di mamella.

“Ha re so le bala lefa le sehloho la temo mona Limpopo, moo baahi ba dipolasing ba ileng ba qobellwa ho sebetsa dipolasing e le tsela ya ho lefella bodulo ba bona mobung wa bontatamoholo ba bona, mme ba sa dumellwa ho eba le mobu kapa ho fepa ba malapa a bona kapa ho fulisa mehlope ya bona.”

O ile a tlasalets a hore basebetsi ba dipolasing ba

ile ba hanyapetswa le ho hlekefetswa nakong eo profense ena e neng e bitswa Northern Transvaal

“Re boela re hopola le mkgwa oo mmuso wa kgethollo ka mmala o neng o tshhetsa dihwai tsa ba basweu ka disebediswa, tshetsa ya thekheniki le ho fumantshwa mekitlana ya ho aha dikgwebo tsa bona, empa dihwai tsa batho ba batsho tse neng di thuthuha di ile tsa sokola ho iphedisa.”

Ho fetola indasteri ya temothuo

Mopresidente o itse phano ya mobu e fana ka tshepo hobane e bontsha hore ka tshetsa le menyetla e napahetseng, indasteri ya temothuo e ka fetolwa molemong wa naha.

“Re keteka kgatelopele, hobane letsatsi le letsatsi Lenaneo la rona la Kabobotjha ya Mobu le ntse le hatela pele.

“Ho fihlela ha jwale, mmuso o se o abilebotjha dihektara tse fetang dimilione tse hlano tsa mobu, ho lekantshang dipolasi tse 5 500, ho batho ba uneng molemo ba fetang 300 000.”

Ha jwale, tsamaiso ya kgutlisetso ya mobu e tswetse molemo bakenyi ba dikopo tsa mobu ba uneng molemo ba fetang dimilione tse pedi mme dihektara tse ka bang dimilione tse 2.7 di abuwe.

“Kabobotjha ya mobu ha e molemong wa ho lokisa, toka le momahano ya setjhaba feela. E boela e le ka ntshetsopele ya moruo.

Temothuo le tsamaiso ya ho eketsa boleng ho tsa temothuo di tlameha ho fetola meruo ya mahaeng,” ho rialo Mopresidente Ramaphosa.

Mmuso o ikemiseditse ho thakgola kemedi ya tlhabollo ya tsa temo ho potlakisa kabobotjha ya mobu.

“Re shebile ka mkgwa oo maano a rona a nako e fetileng a ileng a sebetsa ka teng. Re tlo shebana le ntlhena ya kabobotjha ya mobu ka potlako.”

Ho lokisa diphoso tsa nako e fetileng

Mopresidente o re mmuso o sebetsa ka thata ho lokisa se ileng sa senyeha nakong ya dilemo tsa mmuso wa kge-

thollo ka mmala le diphoso tse entsweng ka mora qalo ya demokrasi.

“Re etsa sena ho ananela ba ileng ba phela hara rona; ba neng ba dula mona.”

Kabobotjha ya mobu e bohlokwahlokwa ntlafatsong ya hore naha e be le dijo tse lekaneng, e ahe moruo o kenyeletsang bohle le ho nehela ka bokamoso bo betere ho Mafrika Borwa ohle, ho tlatseletsa Mopresidente.

O ipileditse ho dihwai tsa Tafelkop ho sebedisa mobu ka bohle moleng wa setjhaba sa bona.

“Ho nna, kajeno ke letsatsi le thabisang haholo mosebetsing wa ka; ho itlisa mona ka seqo ho tla bona ditholwana tsa lona.

“Ha ke na qeaqea ya hore ka boitelo le mafolofolo a batho bohle ba bileng le seabo, projeke ena e tla tswella ho atleha,” o rialo.

Modulose tulo wa Tafelkop Farmers Association, Jerry Sefoloshe, o lebohile mmuso ka ho phethahatsa hore dihwai e be beng ba mobu oo ba o sebeditseng ka mashomeshome a dilemo. **U**